

蓬溪縣志卷七

學校

王政之本在乎育人才而人才之育在乎隆學校古者辟雍泮宮名殊義一凡鄉飲鄉射獻馘獻功養老尊賢皆出於學所以人才盛而政治成也

國家稽古右文崇儒重道廣飭學宮僻壤遐陬咸彬彬嚮學蓬雖梓東一隅而飲和食德沾溉實深學校之設其來已久閱世千載徙置因地修舉以時典制喬皇教化行焉志學校

蓬溪縣志

卷七

學校

蓬溪縣

至聖先師廟 縣北跪象山麓宋紹興間曾費直上章建祠祥符十七年徙此元至元三十一年知縣蒲如璋重建

大成殿兩廡戟門櫺星門厥後兵燹明宣德二年知縣凌崇貴重修成化十八年知縣李芳增建教諭張遇有記正德五年知縣李相重建嘉靖十年知縣歐陽霄立題名碑譚纘有記四十五年知縣張希范重修南充中丞張鑑學使胡直邑進士王庭俱有記萬曆





十三年知縣王良謨置學田數十畝楊文舉有記二十  
十年知縣胡璉重修教諭師巖有記三十二年知縣  
趙端益建坊增田南充太史黃輝書梓東鄒魯金聲  
玉振八字竝有記三十八年知縣張養性增置學田  
訓導饒守約有記四十三年知縣馮思問重修楊作  
楫有記明末燬

國朝順治間知縣梁泰來創建康熙十一年知縣潘之彪  
重建二十一年知縣周甲徵重建廡堂祠如制雍正八  
年知縣彭陟建二祠乾隆十九年知縣國棟修櫺星

蓬溪縣志

卷七

學校

教諭陳朝易有記嘉慶四年署縣李炘重修蒲心  
浩有記嘉慶六年以前知縣敬大科署縣李炘兩次  
修復陳汝珍補記嘉慶二十年教諭凌之騫培修自  
爲記

正殿祀

至聖先師孔子神位居中正南面

先師木主高二尺三寸七分闊四寸厚七分座高  
四寸長七寸厚三寸四分朱地金書

東配二位



復聖顏子 名回字子淵魯人邦國之後

述聖子思子 名伋字子思夫子之孫伯魚之子

西配二位

宗聖曾子 名參字子與魯武城人鄒國之後

亞聖孟子 名軻字子輿鄒邑人魯孟孫氏之後

四配木主各高一尺五寸闊三寸二分赤地墨書

東哲六位

先賢閔子 名損字子騫魯人

先賢冉子 名雍字子弓魯人伯牛之族

蓬溪縣志

卷七

學校

三

先賢端木子 名賜字子貢衛人初為信陽宰後嘗相魯衛

先賢仲子 名由字子路魯之卞人仕魯為蒲大夫

先賢卜子 名商字子夏衛人仕魯為莒父宰

先賢有子 名若史記字若家語字子有魯人

西哲六位

先賢冉子 名耕字伯牛魯人為中都宰

先賢宰子 名子字子我魯人仕齊為臨淄大夫

先賢冉子 名求字子有仲弓之族為季氏宰

先賢言子 名偃字子游吳人仕魯為武城宰



先賢顓孫子名師字子張陳人

先賢朱子名熹字元晦號晦庵宋婺源人諡文公

十二哲木主各高一尺四寸闊二寸六分厚五分

座高二寸六分長四寸厚二寸赤地墨書

東廡從祀六十五人 遵照太學成式

先賢蘧子瑗字伯玉衛人

先賢澹臺子滅明字子羽魯武城人

先賢原子憲檀弓稱仲憲字子思魯人為夫子宰

先賢南宮子适字子容魯人家語禮記作南宮縶

蓬溪縣志

卷七

學校

四

先賢商子瞿字子木魯人

先賢漆雕子開家語字子若一作憑字子開蔡人鄭元曰魯人習尚書

先賢司馬子耕字伯牛宋人家語作司馬犁耕

先賢梁子鱣字子魚史記註作鯉字叔魚齊人

先賢冉子孺字子魯家語作冉儒字子魚魯人

先賢伯子虔家語字楷一作子析弟子解作子楷史記作子析魯人

先賢冉子季字子產一字子達魯人

先賢漆雕子徒父字子友魯人家語作漆雕從字子文一作子期

先賢漆雕子哆字子斂家語作漆雕侈魯人



先賢公西子赤 字子華 魯人

先賢任子不齊 字子選 楚人

先賢公良子孺 家語名儒 史記名孺 字子正 一作子幼 陳人

先賢公肩子定 家語字子仲 史記作公堅定 字子中 魯人 或曰晉人 或曰衛人

先賢鄒子單 史記有鄒單 字子象 無鄒單 疑一人 徐廣作鄒善 魯人

先賢罕父子黑 史記字子素 家語作宰父黑 字索 一按氏族略有宰父氏

先賢榮子旂 史記作子旗 家語作榮 魯人

先賢左人子郢 史記字行家 家語作左郢 字子行 魯人 按通志略左人以官為姓

先賢鄭子國 家語作薛邦 字徒 一作子徒 魯人 史記避漢高祖諱以邦為國 鄭字疑薛字之誤

蓬溪縣志

卷七

學校

五

先賢原子亢 字子亢 家語作原亢 字子籍 魯人 籍 史記作原亢 字籍 魯人

先賢麻子潔 史記字庸 家語字子庸 一作子曹 衛人 古史作齊

先賢叔仲子會 字子期 文翁圖作曾 家語魯人 鄭元云晉人

先賢公西子輿如 字子輿 史記作公西輿 魯人

先賢邾子巽 家語作邾選 字子餘 史記說邾為邾 字子斂 文翁圖避諱以邾為國 作國選 魯人

先賢陳子亢 家語字子亢 一 字子禽 陳人

先賢琴子牢 家語琴牢 字子開 文翁圖 字子張 衛人

先賢步叔子乘 字子車 齊人

先賢秦子非 字子之 魯人



先賢顏子噲

字子聲魯人

先賢顏子何

字子冉古本家語字冉魯人

先賢縣子亶

字子象魯人

先賢樂止子克

字子孟周人

先賢萬子章

字子孟齊人

先賢馬子敦

字茂叔世居道州營道縣濂溪學者稱濂溪先生

先賢程子顯

字伯淳宋河南洛陽人

先賢邵子雍

字堯夫宋河南人

先儒公羊氏高

字季康齊人

蓬溪縣志

卷七

學校

先儒伏氏勝

字子賤濟南人

先儒董氏仲舒

字廣川廣川人

先儒后氏蒼

字近君漢東海人

先儒杜氏子春

字子真漢南頓人

先儒諸葛氏亮

字孔明蜀漢人

先儒王氏通

字仲淹龍門人嘗教授河汾其弟子私謚曰文中子

先儒陸氏贄

字子微唐嘉興人

先儒范氏仲淹

字希文宋吳縣人

先儒歐陽氏修

字永叔宋廬陵人



先儒楊氏時 字中立宋將樂人學者稱龜山先生

先儒羅氏從彥 字仲素宋南劍州人學者稱豫章先生

先儒李氏侗 字愿中宋延平人朱子受其河洛之業為述延平問答稱延平先生

先儒呂氏祖謙 字伯恭其先萊人遷婺州墓題東萊先生

先儒蔡氏沈 字仲默宋建陽人隱居九峰山世號九峰先生

先儒陳氏淳 字安鄉號北溪宋漳州龍溪人

先儒魏氏了翁 字華甫宋邛州蒲江人

先儒王氏柏 字會之號魯齋宋金華人

先儒趙氏復 字仁甫元德安人

蓬溪縣志

卷七

學校

七

先儒許氏謙 字益之號白雲金華人

先儒吳氏澄 字幼清號草廬崇仁人

先儒胡氏居仁 字叔心明餘干人著居業錄以敬名齋人稱敬齋先生

先儒王氏守仁 字伯安明餘姚人讀書陽明洞世稱陽明先生

先儒羅氏欽順 字允升號整菴明泰和人

先儒黃氏道周 明漳浦人

先儒湯氏斌

國朝臨州人

西廡從祀六十五人



先賢林子放字子邛魯人

先賢處子不齊字子賤魯人為單父宰

先賢公冶子長字子長家語作長魯人史記齊人范甯云名芝

先賢公皙子哀史記字季次索隱作公皙克一作哲哀家語字季沈齊人

先賢高子柴字子羔一作臯家語齊人史記衛人仕衛為士師

先賢樊子須字子遲家語魯人鄭元云齊人仕於季氏

先賢商子澤家語字子秀史記作子季魯人

先賢巫馬子施字子期陳人史記作子旗為單父宰

先賢顏子辛字子柳魯人史記作顏辛

蓬溪縣志 卷七 學校 八

先賢曹子邴字子循蔡人

先賢公孫子龍家語作公孫寵衛人鄭元云楚人孟云趙人字子石

先賢秦子商字丕茲家語作不慈史記作子不魯人鄭元云楚人

先賢顏子高字子驕家語作顏刻魯人

先賢壤駟子赤字子徒家語壤駟赤字子從秦人通志略壤駟氏複姓

先賢石作子蜀字子明家語作石子蜀秦之成紀人按石作複姓

先賢公夏子首字子乘家語公夏守字乘魯人

先賢后今本家語誤石子處史記字子里齊人家語字堅之

先賢奚容子蒧家語字子偕史記子皙文翁圖魯人正義衛人氏族大全奚仲之後



先賢顏子祖 字襄家語名相又

先賢句井子疆 字子疆史記作句井正義作句井衛人

先賢秦子祖 字子南魯人鄭元云秦人

先賢縣子成 字子祺家語字子橫魯人

先賢公祖子句茲 家語作公祖茲字子之魯人

先賢燕子伋 字思家語作級字子思秦

先賢樂子欬 字子聲家語作樂欣魯人

先賢狄子黑 家語字哲之一作子哲史記字哲衛人

先賢孔子忠 字子蔑家語作孔弗史記作孔子兄孟皮之子

蓬溪縣志

卷七

學校

九

先賢公西子蒧 史記字子上家語字子尚魯人

先賢顏子之僕 家語字子叔史記字叔魯人

先賢施子之常 史記字子恆家語字子常魯人

先賢申子根 史記作申黨字周文翁圖作申堂後漢碑作棠魯人

先賢左邛子明 中都人授經圖曰魯人楚左史倚相之後

先賢秦子冉 字開魯人

先賢牧子皮 力牧之後

先賢公都子 齊人孟子弟子

先賢公不子丑 魯人孟子弟子



先賢張子載 字子厚居郿縣之橫渠稱橫渠先生

先賢程子頤 字正叔稱伊川先生

先賢穀梁氏赤 尸子作倣顏師古作喜字元始魯人生周末

先儒高堂生 索隱字伯魯人生漢初

先儒孔氏安國 字子國夫子十一世孫生漢武帝時

先儒毛氏萇 趙人善說詩世謂毛亨為大毛公萇為小毛公生漢武帝時

先儒鄭氏元 字康成東漢北海高密人

先儒范氏甯 字武子晉鄆陵人南昌太守

先儒韓氏愈 字退之唐南陽人

蓬溪縣志

卷七

學校

先儒胡氏瑗 字翼之宋海陵人為湖州教授又召為國學直講學者稱安定先生

先儒司馬氏光 字君實宋夏縣涼水鄉人

先儒尹氏焯 字彥明一字德充宋洛人陽和靖處士

先儒胡氏安國 字康侯宋崇安人

先儒張氏栻 字敬夫宋緜竹人號南軒先生

先儒陸氏九淵 字子靜宋金谿人學者稱象山先生

先儒黃氏幹 字直卿號勉齋宋福州閩縣人

先儒真氏德秀 字景元宋浦城人稱西山先生

先儒何氏基 字子恭宋金華人



先儒文氏天祥 宋廬陵人

先儒陳氏澔 字可大宋江西南康人

先儒金氏履祥 字吉父號仁山元蘭谿人

先儒許氏衡 字平仲元河內人學者稱魯齋先生

先儒薛氏瑄 字德温明河津人學者稱敬軒先生

先儒陳氏獻章 字公甫明新會人隱白沙學者稱白沙先生

先儒蔡氏清 字介夫號虛齋明晉江人

先儒劉氏宗周 明山陰人

先儒呂氏坤 明寧陵人

蓬溪縣志

卷七

學校

先儒孫氏奇逢

國朝容城人

先儒陸氏隴其 字稼書

國朝平湖人

兩廡木主式同哲位

崇聖祠祀

木金父為肇聖王

祈父為裕聖王

防叔為詒聖王



伯夏為昌聖王

叔梁紇為啓聖王

神主式同正殿四配位

東配

先賢顏氏

名無繇字路家語繇字季路

先賢孔氏

名鯉字伯魚

西配

先賢曾氏

名點字皙家語曾點字子皙

先賢孟氏

名激字公宜魯公族孟孫之後

蓬溪縣志

卷七

學校

十二

配位木主同正殿十二哲式

東廡

先儒周氏

名輔成周子敦頤之父

先儒張氏

名迪張子載之父

先儒蔡氏

名元定字季通蔡子沈之父

西廡

先儒程氏

名珦字伯溫二程子顛頤之父

先儒朱氏

名松字喬年朱子熹之父

兩廡木主同十二哲式



儒學教諭一員

〔按〕蓬溪縣舊設教諭一員訓導一員雍正二年裁  
訓導員撥管樂至縣學

縣學額取八名廩生二十名增生二十名二年一貢  
武童歲試額取八名

附

孔子廟堂碑 長江縣學

唐楊炯

法象莫大乎天地變通莫大乎四時懸象著明莫大  
乎日月備物致用莫大乎聖人夫子諱某字仲尼魯

蓬溪縣志

卷七

學校

十三

國鄒人也龜龍負識帝鴻驅八翼之軒魚鳥呈文大  
乙降三分之壁五十二戰權輿聚帝之都二十七征  
草昧馳王之業平域中之禍亂掃天下之虔劉以盛  
德大業之尊當開階立隧之重及其山崩海竭日薄  
星迴歷數不還詭譎遂遠元子賓周而建國二王之  
車服可尋上卿翼宋而成家三命之衣冠再襲是故  
陰陽配合洩符瑞於昌平宇宙氤氳灑休徵於闕里  
龍準而龜背日角而雷聲有宣帝之殊姿有殷王之  
異表山開遁甲尼邱落於紫垣星掌巫咸鈎鈐墜於



蒼陸淨光童子來遊震旦之郊乾象明靈俯下庖羲  
之國十五而志學三十而有成申下問於伯陽屈帝  
師於鄭子天爲木鐸九州知號令之期吾豈匏瓜一  
國有來蘇之望常登委吏稍踐中都天下可臨諸侯  
取則以之禮而國定司空之官以成禮以之義而國  
平司寇之官以成義掌山林於夏典物得其生聽獄  
訟於秋官人忘其死大夫亂法仍行兩觀之誅陪臣  
執權卽問三雍之罪強公室而弱私家敘君臣而明  
長幼用能使犧牲秬鬯不登闕閭之庭羽戟旌旄不

列壇場之位當是時也三光薄蝕九土分崩周京赫  
赫成康之至教茂聞魯殿巖巖賢聖之餘風久墜河  
圖未出吾道不行周流八方經營四海治亂運也窮  
通命也荷天下之至聖仍逢盜跖之軍仗天下之至  
和猶有匡人之逼德生於我樂天命而何憂文不在  
茲臨大亂而不懼使仁者必信安有伯夷使知者必  
行安有王子豈三千孳水牛驥不能鼓橫海之鱗九  
萬搏風雞羽不能扇垂天之翼然後上不臣天子下  
不事諸侯乘殷之輅服周之冕或屈伸於季孟之間



或動靜於魚龍之際下學上達將聖多能博而無名  
信而好古察殷周之禮樂損益可知觀杞宋之文章  
賢才不足數年學易伏羲龍馬之圖三月聞韶媯帝  
鳳凰之曲信在乎德術數貫於神明意見乎時制作  
俾於造化已所不欲則一言可以終身人之莫違則  
一言可以亡國惡鄭聲之亂雅樂惡利口之覆邦家  
榮辱定於樞機褒貶存乎簡牘精誠密召北門開紫  
掖之星福應全來中極敷元雲之氣乃若知幽明之  
故見天地之心有感而遂通不行而克至歲當甲子

潛知啓漢之萌運叶宮商預察亡秦之兆星移大火  
追責天司月入陽街無勞雨備季桓子羶羊之井推  
木石之禎祥陳惠公集隼之庭驗蠻夷之貢賦然後  
歷三辰而玉步照四極而金聲坐於緇帷之林浮於  
亶州之海門生七十仰天路以無階弟子三千望宮  
牆而不入哲人之能事畢矣先王之至德行矣配乎  
二象不能遷必至之期參乎兩曜不能稽有常之動  
南遊楚國遂聞衰鳳之歌西狩魯郊獨下傷麟之泣  
夫子周靈王二十一年冬十月庚子生至魯哀公十



有六年夏四月己丑卒享年七十二於今一千餘歲  
泰山頽而梁木壞微言絕而大義乖傳饗祀於百家  
奉琴書於千代秦始皇見登牀之讖始亂衣裳魯恭  
王看壞壁之書猶聞絲竹漢圖起於六千日賜金之  
禮載優德行永於五千年刻石之風未泯述文武者  
皆憲章於聖人修學校者僉折衷於夫子自韋韜玉  
歷毳幕瑤圖皇天無皂白之微戎狄起豺狼之釁推  
六律絕笙竽塞師曠之耳天下之人廢其聰矣散五  
彩滅文章膠離朱之目天下之人黜其明矣我高祖

神堯皇帝因三靈之寶歷藉萬國之歡心風起北方  
日行中道削平宇宙戢干戈於馬羊之年彈壓華夷  
昭文物於龍蛇之代太宗文武聖皇帝昇瑤壇於西  
洛受玉版於平河經天緯地盪海夷嶽坐元宮而密  
轉紫微光帝宅之尊戴黃屋以深居赤縣列神州之  
貴今上天無私覆道不虛行馭六氣而平太階乘八  
風而制羣動星連月合層臺有觀羽之勞海宴河清  
直筆有書祥之倦封太山而禪梁甫千載同歸做衛  
室而築明堂百靈咸伏雲行雨施品物流形天尊地



卑乾坤定矣若乃虞夏商周之禮考正朔而三遷東  
西南北之人混風聲而一變環林拂日映高柳而對  
扶桑圓海澄天走鯤池而涵象浦輿以乾封元年有  
詔追贈夫子爲太師咸亨元年又詔州縣官司營葺  
學廟憑風雲於異代照日月於殊途死者有知沒而  
無朽如綸如綍大君施號令之嚴匪樸匪雕上宰極  
司存之敬長江令楊公宏農華陰人也卽華山公之  
孫大將軍之子朱宮帶地明河一葦之西黃闕中天  
神嶽千花之北山川壯麗於區宇人物繁多於海內

蓬溪縣志

卷七

學校

七

齊九龍而闊步一門鍾豹變之榮襲五公而長驅四  
代赫蟬聯之祉出忠入孝誕秀興賢冠蓋城邑池臺  
鐘鼓英靈輻輳鏘鏘萬玉之門嘉瑞駢羅濟濟千金  
之子是故北方名士太一壯其魁梧南國仙人中書  
偉其端雅椅桐可仰丹漆兼施照明月於曾懷吐清  
風於襟袖臧武仲之智卞莊子之勇可以爲大臣矣  
韓尙書之臨八座發迹下僚卓太尉之踐三階來從  
密縣自操刀入仕聞魯國之絃聲解劍分司察豐城  
之寶氣汝陰徐令人號無雙河內王君時稱未有飛



雪千里不能改松柏之心名都十城不能動夷齊之行是殊方暴客常嚴鉅野之兵絕磴奸豪每縱潢池之蹙數州常以爲弊歷土所不能移行人爲之聚衆耕父由其釋耒公英謀獨斷銳氣無前奮大勇而翦元兇馳單車而躡遺噍道旁牛馬竝屬羅衡縣內神明皆稱傳琰若乃山林猛獸動星象而垂文江漢龜咤鼓風颺而作愾城門六閉未防虞吏之灾都市三言終有王君之暴公雄心裂背壯髮衝冠按東海之金刀飛北平之石箭岡巒不擾有符劉孟之城坑穿

無虞更似童君之邑自非愛人猶子視物如傷豈能躬斬兇渠親除灾害與夫赤繩不用道被於瑕邱桴鼓希聞化移於京洛可同年語哉然後示之以禮樂陳之以庠序憑三時之間暇薄賦輕徭視四野之川原依城負郭青泥險磴斜連白馬之關赤岸長波遠注黃牛之峽懸四刀而開益部照參伐於天光賦三錯而闢梁州絕岷嶓於地德背山臨水掩全蜀之膏腴望日占星采公宮之法度丹牆數仞吐納雲霞綠柱三間蔽虧風雨琉璃夜闌東宮雀目之窗珉瑁朝



懸西漢蛇鱗之桶圖光芒於北斗聖質猶生赫符彩  
於連珠宏姿可想若夫月衡月準山額山庭侃侃星  
文堂堂日角莫不向之如在疑遊北上之山望之儼  
然似矚東流之水博士助教某等西州聞望南國英  
靈駭飛兔於文場躍雕龍於筆海揚雄博識神遊象  
繫之端李邵幽通思入機衡之表每至韶光令月朱  
鳥乘春爽氣高天元龜送歷瓊邊玉豆中堂供先聖  
之儀石磬金鐘南面習諸侯之禮華陽胄子鼓篋傳  
書蜀國賢儒振衣請學絃歌在側還昇武騎之臺禮

樂居前重觀文翁之室祁祁茂德濟濟時英聖人千  
載之風儒者一都之會丞主簿尉某等青田戒露望  
華蓋而長鳴綠地生風下仙閣而置轡大夫貞節還  
居內史之丞文學明誠猶歷南昌之尉鄉望姓名等  
王孫獵騎騁原隰之盤遊公子文鋒敘江山之體勢  
符偉明以都官謝職逢有道而相推趙元淑以郡吏  
從班見司徒而不拜僉以鄉閭少事風月多懷命童  
子於雲臺就門人於相圃冬禮春詩之化再造雙川  
淹中稷下之風一匡三蜀若夫平南壯烈沈流水於



栽碑逐北勲庸登燕山而刻頌庾太尉新亭之墓尙  
有黃金鄭康成通德之門猶存白瓦况乎功苞大象  
績被蒼生豈使銘典闕如音塵不嗣是則雕牆峻宇  
列冠蓋於宣城塞陌填街考春秋於太學小人狂簡  
不知所以裁之夫子文章今可得而言也詞曰西峴  
玉闕南海金堂惟惚惟恍一陰一陽三辰赫赫九土  
茫茫太極天帝神州地皇驪連上古混沌中央降及  
軒頊終於夏商四時玉斗五緯珠囊聖德千載淳風  
八荒天開赤籙日照青光識叶金匱兵符玉璜化隆

文武澤盛成康天子穆穆諸侯皇皇春秋代謝宗社  
危亡帝典無象人倫不綱山河命德天地興祥禮樂  
三變文明一匡源承少昊祚啓成湯吹律丹鳳御符  
白狼三仁去國再命循牆不有積善其何以昌降靈  
鄒邑誕哲平鄉月角摘彩星鈐吐芒文行忠信恭儉  
溫良或默或語能柔能剛學而不厭師亦何常通禮  
明德尊賢毀方古之君子昔者明王道叶公旦神交  
帝唐攝官從事服冕端章示之以德臨之以莊澤如  
春雨威若秋霜男女斯別尊卑克彰時逢版蕩運屬



柄遑入齊損味居陳絕糧登山極目臨水徜徉無道  
斯隱舍之則藏季孫大賚敬叔揄揚問官郊子受業  
師襄神明叶贊雅頌鏗鏘紫麟遙集丹鳳遠翔生靈  
水火家國舟航功符日月德叶天長倏嗟崩嶽奄歎  
摧梁昧昧神道悠悠彼蒼書開壞宅識識登牀與代  
輕重囚時弛張氈裘黼黻沙漠壇場璣衡瑳沴載籍  
膏盲汾河水白晉野星黃軒電臨斗殷富入房九圍  
臣妾八極城隍東序西序上庠下庠粵惟銅墨實號  
金箱靈山地輔德水天潢芝蘭秀出羔雁成行玉匣

蓬溪縣志

卷七

學校

三

孤劍瑤臺驪驪懲奸搖石濟猛移蝗風傳積石道被  
滄浪絲言渙汗經葺相望夏井蓮植秋窗桂芳綉楹  
文琬綺綴明璫四注飛閣三休步廊禮行釋菜敬盡  
明薌圖非有若地異空桑伏羲書籍女媧笙簧匏土  
金石珪琮璧璋高門程鄭碩學王楊威儀秩秩宮徵  
瑤瑤山棲烏鳥水宿鴛鴦蜀門荷戟江津濫觴落星  
高堰明月回塘丹碑不朽清廟無疆

附

明譚纘科貢題名記吾邑自本朝洪武初建學立

師設科取士士由此以進者時不乏人舊未有題  
名也泰和歐陽公來寄吾邑乃簞二石一以刻科第  
名一以刻歲貢例貢名彙次悉據出身先後不由學



校者不與，并其鄉貫及歷官大小，備書之，樹於學宮，以勵後人，以昭崇重。時予給假家居，乃託記於余。夫題名有石，自唐韋肇登第題名於慈恩寺鴈塔始，遂為故事。後世率因之，本朝稽古定制，惟科目為重，士得舉進士者，立石題名於國學，亦其遺意。此著在令典，斷不可無者。天下府州縣學，間有題名碑，則又國學之遺意，有司者之事也。士由學校以出者，常有而茲石不常有，惟文獻之富，政事之周者有之，以吾邑百五十餘年之所無，而一日創見，歐陽公扶獎士類，若此，予敢以不文辭。獨慨夫得名之難也，邑人自我國朝至今，遠而沒者，近而存者，無慮數十萬，曾潛養於學校者，又無慮數十千，附名於茲石者，僅若干人，噫，可以為難矣。士得託名於茲，以永其傳，良亦自慶。僉曰：此歐陽公遺我以榮也，夫名有臧否，美惡係焉。行有美惡，好惡存焉。宮之崇卑，小大舉無足論，則是完名著之尤難也。要在檢勵官箴，不懈乎仕優之學，未用圖無愧於名教，既用圖無玷於名節，使令聞令望，如卷阿之所奏，無惡無斁，而永終譽，如振鷺之所

蓬溪縣志

卷七

學校

三

美庶乎名完，不負歐陽公今日之舉矣。反是則斯名也，徒為訾議之資耳，亦何取於刻石耶？予叨登仕路，亦得竊名於石者，予獨曰：此歐陽公遺我以懼也。諸君子布列內外，及待用將來者，皆得嗣入之，果以得名之難為榮乎，亦以完名之難為懼乎，并勒之石。時嘉靖丙戌。

王庭重建學宮記 嘉靖乙丑，白蓮羣盜突起，蜀之東方旬日之間，從者遂萬，遂襲蓬溪，遠邇騷動。是時縣令似鶴張公初至，以兵殲之，不遺一人。於時諸州之盜相率逃潰，後先就縛。四境宴然，厥功偉矣。公乃掄材鳩役，以新學宮，自殿廡堂齋門閣，靡不煥然。改觀，原其用意，豈止為右文崇賢，以為飾治之資哉？蓋深懲亂源，使修明孔子之道，正人心，息邪說，贊襄泰運，以嘉惠一方，其忠愛至矣。學博阮公桂成，公章與其弟子茂才楊生華、任生範等，請記於余。余按周昭王之庚戌，佛生西域，而穆王之丙申，西見王母，資於昭宮。是楊墨同時肇端，自此中原無寧歲，其後穀洛至於交關，一歲日再食，陰盛陽微，極人間未有之變，而



孔子生焉蓋天意也夫寒不極則不春亂不極則不治楊墨之道不息則亂臣賊子接踵於天下生民何以自存是時天生孔子使撥亂反正以垂教於無窮殆易所謂復其見天地之心乎而歷伐之君投戈息馬未遑他務莫不首建學宮以開導人之良心蓋求治於天理民彝其道于萬世莫之能易矣夫邪正不兩立治亂不同塗邪說殄則正道自明正道果明則邪說自殄故孟子先於距楊墨而後之賢主則先於尊崇孔子以爲天下師要之次第不同其所以適王闢邪以導人之良心則一也始也盜以邪說誣惑則黨是謂率獸食人其後陷溺之人轉相誣惑是謂人將相食甚則從逆之流稱兵犯順爲壘城堞之間是謂亂臣賊子肆行無忌推原其故要皆孔子之道不明人之良心汨沒故耳然則似鶴公之首新學宮於兵戈初戢之際果止爲右文崇賢以爲飾治之資哉雖然孔子教人莫先於忠孝昔齊人伐魯冉有樊遲輩率衆三刻踰溝以入齊軍齊人宵遁魯卒無恙孔子曰能執于戈以衛社稷義也近者盜逼城陰似鶴

學校

三

逢溪縣志

卷七

公背城與戰而諸士皆披堅執銳從之無一後者遂使羣盜駢首就戮城卒無恙其於孔門諸弟何讓焉今似鶴公以孔門之賢望諸生而諸生日遊息於夫子之宮牆皆可以無愧矣工始於嘉靖四十五年正月初九日竣於八月十五日學舊多科名今其興也復乘勝運鼓鑄漸沐當與鄒魯同異日揚芳蜚聲著鼎彝之烈於聖明之世者其在是乎似鶴公名希范楚之江夏人佐理其務者主簿張君仁典史張君守職得備書

楊文舉學田記蓬果相鄰僅百里許惟是邑大夫治行異等者不惟蓬民德之卽果人亦藉蔭焉余頃以便歸省取道蓬邑見其封城井井民多頌聲私計邑大夫必異等者已而博士李君格李君尙鑑帥其弟子員苟蠟等百六十人以梓里誼辱臨館舍中余詢其大夫所爲治狀乃博士各肅揖陳詞曰幸哉問走卑卑者請言大夫學政夫蓬在充國西南曩稱富教之區其人材在往昔爲盛自乙丑兵燹後統誦之聲幾輟響矣邑大夫王公甫下車慨然以興學右文爲



已任定章程勤考課日兢兢焉求所以不愧為師帥者為諸士先擇諸士之貧乏者時賑恤之且謂賑之不可為常也出俸金置贖田為長久計諸士不能舉火者從茲永有所恃是其政在學校者如此若其五年惠政則當路者載在賢書比屋者銘之輿誦固非走所能縷指也今主上方優異寓內守令以惠養元元明公居瑣闥主吏事若我邑大夫者不可應優異之選乎余惟太史公記兩漢循良獨詳教化而文翁治蜀尤為炳著今攷其事惟延經師開石室儲養士供具而已乃吾蜀以比齊魯以王公所為古今人豈相遠哉田一區坐落官行墻計四十六畝一分價百金有奇時耕斂而均積散者則議有以規以屬博士掌行之後之嗣公者倘人人如公選之士必有蒸蒸振起為赤城增重者矣公名良謨楚蒲圻人以鄉進士宰蓬邑者凡五年格簡池人教諭鑑羅江人訓導時萬曆乙酉

黃輝新建學坊並置學田記趙侯令蓬溪子弟秀士絃歌聲相聞視學宮所刊之葺以時政既平歲數登

蓬溪縣志

卷七

學校

三

復置田若干畝業貧士謂學負崇抱深風氣環合俎豆乎嵯峨洲渚之間宜有所莊內而揖外也者乃捐俸坊之士踴躍來請額余為題曰梓東鄒魯是秋士褒然舉於省侯間過充與余言學余善侯造士侯遜謝曰是何足言令去為諸生幾時猥得臨諸生上胡故吾之能忘今夫塾子弟濟濟則家長喜益思廣飭館舍恐不給遊處老塾師見才俊雅少即不在門意壘壘常欲子所有今舊學荒落愧無可于士然語及故業胸吻亦猶壘壘然誠不敢自問職宜家百里學則其大塾也倉卒飭館舍何足有余乃為記曰天下之學一也為子弟仰師師為師師忘子弟可乎夫學政之本也士民之菁華也故長令六事尤重學校顧於俗吏如無暇何也趣有所溺神奪於卑念固不肯暇或獄訟縈懷身競日力才又不能暇即才矣意在期會厨傳意有篤嚮至馬隊講肄不過露莽芝樞與豆几爭不得已緣飾耳目取釁塞故事嗟乎天子付令百里不將使一人穀十百人之倦倦乎乃問士所出之無暇而暇於何許彼且以為暇未歟其所謂木



安在如不能任民之首而曰吾有以任民夫孰能信之彼其於學也未也惡知政趙侯可謂知學矣優爲士不遺厥本穀乃民先儲其菁華以入獻國家恬然不自功善乎哉人之所三不暇而暇於蓬蓬之人文繼自今其益昌乎蓬繡錯十餘郡邑地遠俗雜賴多士染化不細先進遠亡論若鳳臺王先生純孝澹質卜知其身之貴人人無賢京必心儀之此多士耳日所逮可謂天資近道學務其本矣端本肇末遠自表樹以穀其鄉人爾多士所踴躍當在乎是必勿日無暇以稱侯所爲家視蓬而鄒魯之者或侯名端益字裕學滇太和人時萬曆三十二年

楊作楫重修學宮記蓬庠闕世千或徙置不常正德庚午邑令李公始大恢厥制今之堂殿齋廡列戟櫺星巋然闕構皆遺跡也獨當時改剏間亦有缺歷歲滋深弊之愈甚吏茲土者代有修葺終無完繕夙前謀而大備將有待於今乎逮歲甲寅邑侯馮公起家安化脚上命來縮蓬符興廢補敝無煩載星不期月政用以洽粵明年已卯秋度俸舍七十有奇足勝鳩

蓬溪縣志

卷七

學校

三

口兆材之具乃舉學宮大新之擇里中醇謹者董其事首啓聖文廟次明倫堂次門廡經閣及臺墀垣墉參差集事木朽而易之材石泐而易之喀黝聖丹蘄飄泊而蝕滛者易之績宛若雲立天開睹者神甞蓋百年未觀之奇一旦成之不難不擾倏然奏効侯於是得根本之務矣工始於仲秋三逾月乃告竣弟子曰侯之功偉矣當亟紀之以詔永禩而屬言於余余維孔子之道是矣中天天不做道寧有敝耶故王化所暨聖教借之自成均治郡國黨塾以及四海八埏之內莫不有學身帥作者靡不修之豈獨爰在天之靈備釋菜之區已乎將使衿佩之士游息於斯咕嗶於斯饜餽六籍之腴滄涵聖賢之懿努勵被濯端其學以贊聖天子之猷也夫學宮之敝也有司知修之悖棄澳忍以逸名敎學術之敝也而士不加修誰之類也諸君子勉旃朝有折檻臣家有陳情子仕宦而清白臨難而慷慨吾蓬先達已樹之赤幟矣願人人著龜凜之甫下帷則澡身浴德將顯秩則建業垂勛毋徒獵一時之榮途忘筌變塞苞苴鷹鷄以賈姍笑



於世海宇聞之當嚙嚙詫曰蕞爾之蓬偉人傑上之  
藪也庶無負侯新學之意哉侯諱思問別號舜心貳  
政孫君大杖錢塘人紀校潘君柱太平人饒君守約  
古資人蓮幕于君萬龍武崗人皆相與力襄其役者  
例得并書是為記時萬曆四十三年

國朝陳朝易重修櫺星門碑記蓬邑學宮之徙於象山阿  
也自宋祥符十七年始暨元迄明中間歷有廢修迨  
明季兵燹規制蕩為瓦礫惟櫺星門尚存我

聖朝定鼎以來邑侯修廢舉墜若梁公始為草創康熙十  
一年補葺於潘公及儒學顯公周公於康熙二十年  
完構之既曩經前邑宰之營繕堂殿齋廡列戟巋然  
而櫺星門沿夫舊蓋明成化辛丑歲李公芳所建者  
也越今數百年漸就傾圮邑侯國公下車之二年捐  
資百金易泐而礅屬紳士王君揚君鳩其工月旬告  
成予新膺司鐸諸庠士每晉謁備述邑侯董治學宮  
事先是潘公振興整飭是科元魁領於一庠其時論  
者以為修學之效今邑侯國公蒞茲土政洽民和講  
學論道旋建斯舉殆欲大有造於邑弟子者也用是  
學校

蓬溪縣志

卷七

三

口碑弗輟若無謝公者余謂多士頌邑侯功碑諸口  
不若碑諸石之不朽也爰勒石為之記

蒲心浩重修學宮記嘉慶四年春北平心湖李公名  
炳宰我蓬邑下車來戎事倥偬時以振興文教為急  
務首謁黌序見大成殿尙未畢工東廡既已坍塌西  
廡亦就傾斜絕如文昌忠孝節義等祀俱無祠宇聖  
賢在天之靈何能以妥而以侑也公慨然感之捐廉  
倡義乃謀所以更新之我蓬邑學宮度土象山之麓  
諸山環拱溪水滌洞誠勝地也舊因逼近市廛湫隘  
囂塵既有壅蔽之患兼之溪小水淺時涸時盈亦無  
以增芹藻之輝公另遷居民竝修築堰堤視其地則  
實廠軒豁觀其音則溶漾紆餘擴我心胸萃我靈秀  
氣象居何等也夫廟堂為習禮之地官司之所嚮往  
士民之所仰瞻宜何如其巍煥耶守土之官為人神  
之主有廢必興繕完修葺責有攸屬然或簿書為勞  
誠有不暇及此者况其在羽檄飛馳際乎非仕優學  
優其能增美富之境乎去年春公蒞任未逾月政通  
人和百度修舉復建置書院增膏火集生徒而教之



禮樂雍容極一時之盛為未有之奇學校中大快事也未幾而公去不可留未幾而賊來不可當頓使詩書之地易為干櫓撫今思昔我士民之不幸也然而煙火千家盡成焦土唯學宮巋然獨存迨公再來廟貌如新絃誦如故可以見聖人道濟燎原之逆而公大啓人文之盛也浩家居時久欲興工修理愧有志未逮今公來不數月即煥然改觀慶幸當何如乎蓋不可以無記是役也共費千餘金公倡捐外餘閭邑士民共成之時學博馮公穆堂始終力任營度邑庠生陳汝珍劉全義劉錦瓌暨浩子德芳嘗為之鳩工云

書院

附

蓬萊書院

縣東門外豐澤廟左明萬曆三年知縣

蓬溪縣志

卷七

學校

七

李建中建

國朝雍正十一年知縣王允浩因舊址建石坊刻蓬萊洞

天四字

附蒲薦馨蓬萊書院記蓬萊之有書院也人知自鄱陽王公始不知公之建此者其憂民也切其愛民也深事不求人知人亦莫得而知之也雍正十一年春邑偶旱公率僚屬士庶相與步禱於今書院側之豐澤廟肅拜誠敬且誓於人曰吾之為民請命也苟一日不雨吾寧以其身為拜跪不遑之身若晏然返署坐視民瘼吾豈忍為故日移簿書於此自朝至暮未嘗稍怠者累日繼因甘霖立沛奉幣酬神緩步書院舊址偶見一泓清湍萬竹交陰正可為多士讀書地遂毅然以書院為己任而書院即於是乎成日集是邦英俊誦讀其中校課不怠文風因是益振當其始也以憂民之故愛民其繼也以愛民之故愛士



姬周浹意良至已夫賢親樂利沒世不忘我公以禱  
雨之故而為惠無窮宜乎蓬之人士為位以祝之建  
亭以祀之者纍纍若若矣若非表而出之將棟宇之  
崇隆祇謂我公當日經營之善又烏知其憂民如此  
切愛民如此深哉爰記其事於貞珉以告夫後之  
讀書於此者

石魚書院 縣東一里許石魚山明天啓六年知縣

楊學孔建今廢

附明楊作楫石魚書院記蓬在梓東境內多名山非  
山自有名也由名公鉅儒品題遊覽因得名焉域  
中豔稱如蓬萊山中陽子曾註解大洞仙經龍多山  
司馬太史周夫子及諸名流遺墨於上明月山賈浪  
仙輩賦詩其巔是山藉人以名而山之名亦將與人  
薪傳於無窮也縣郭沿溪而上有石魚山前對三臺  
峯洗之溪水來與大溪合環遶左去下則寶屏關鎖  
星峯羅列各擅奇觀正德間巖崩現北郭神主像邑

蓬溪縣志

卷七

學校

三

人士因修建祠宇鑿石得石魚鱗甲儼然是名石魚  
山自是伏腊奔走祈請嗣續禱罔不應靈異益彰乙  
丑歲楊邑侯謁選都門夢雙溪合流有紅蛇浮水面  
侯登覽珠宮風景迥異覺而識之後分符蒞蓬展謁  
祠下恍然夢中光景遂捐俸改建正殿新加結甃附  
元君殿於左三教殿於右前砌層臺豎桂香閣高聳  
壯麗入窗爽朗登臨者逍遙雲表有挾飛仙之意另  
建書院於右置棹橙於中以供多士會文并登眺者  
宴樂仍置觀右山場田地招僧常住焚獻更建虹橋  
工始於天啓六年四月落成於崇禎元年三月殿閣  
聳照堦級層嶙像位香火秩然具備四衢瞻禮萬室  
皈依山靈生色名垂不朽將萬世下蓬人觀廟貌思  
宰官說法登樓閣思厦屋帡幪聞鑪煙思明德馨香  
聽松風思琴聲鶴韻仰慈雲思棠陰覆露沾法雨思  
惠澤飛濡從此石魚自成名山赤城增一勝概又何  
不與蓬萊龍多明月司馬太史輩共傳於永遠哉侯  
諱學孔別號泗源滇南人時崇禎戊辰



環溪書院 縣北門外學署右嘉慶二十五年知縣  
呂肇堂移建

按環溪書院舊在縣西門內即今文昌宮舊址係  
嘉慶六年知縣李忻原建至二十二年廢為文昌  
宮二十三年知縣呂肇堂移建於北門外學署之  
右

附李忻原建環溪書院置買學田記書院之興做古  
學校所以宏樂育而廣造就典至鉅也邑舊有蓬  
萊書院久而廢弛後值軍務繁興改作客館講席虛  
懸可乎哉余去年權篆茲土另購城西王姓民房一  
座為誦習之所城下溪水環繞余嘗築堤其下濼洞  
溶漾因名之曰環溪書院文事固未可以武功廢也

蓬溪縣志

卷七

學校

二五

是冬卸事赴省今春赴任渠陽道出此間正當賊鋒  
逼近城邑為士民挽留兵燹之際烽烟滿目瓦礫塞  
途獨余建環溪書院尚依然無恙招徠撫輯之餘復  
加修葺選集生徒延師教之不逾月間誦讀月課如  
故所以獎勵之者無弗殫厥心也然不為之謀經費  
計長久後之視今亦猶今之視昔豈不缺陷常留也  
哉夏初自捐廉俸買回前充郡院鄭姓學田一分另  
售之得五百金復有庠生陳汝珍江右民黃桂芳捐  
銀千八百金益以公項共成三千四百金買郭姓田  
井山場若干頃計畝收租脩脯膏火可以不缺今而  
後庶足以垂久遠歟余兩載於茲自愧養士治民之  
道不能追蹤往哲是舉也其敢自以為是乎然守土  
之官任師保之責所使廣教化美風俗者也乘茲規  
模粗就之後踵而增之闢而大之嘉惠士林栽培後  
進使人文蒸蒸日上則有望於後之君子也是為記  
徐建永移建環溪書院記吾邑書院之設始自嘉慶  
庚申時軍需倥偬李侯權縣事勸捐置王姓房舍僅  
七間耳甲戌呂侯至即欲改修之以他工未暇也庚



辰自外江回在適都勻李晚侯師來主講師兼善學博羅君日遷之學宮之右其地吉非特爽塏之足云學博以語侯侯曰盍集士庶往觀之侯因謂學博曰我與君共教士之責其日積月累徐圖之可乎學博曰善侯於是欲鳩工而未遑也民間相謂曰侯與學博方急訓吾儕子弟又不忍困吾儕而躬苦節省吾儕獨坐視耶於是從風而應者相繼得三百餘金侯喜曰民尙義如此事不難集矣然我職司繁劇孰可董事者諸生日侯不忍困吾儕師方急訓吾儕吾儕獨坐視非人也於是貢生陳席珍生員江文淵張忍濟相請任其役學博以告侯侯曰吾士尙義如此事更不難集矣會督學使者聶太史道過見而嘉之爲題額竝書楹帖衆益趨以勸六月興事越辛巳秋月竣工學博察勤惰稽出納立講堂大堂內外廂房二十六所庖厨備具計費錢一千九百緡有奇後之升堂者可不日遷於高明廣大以洗俗學之陋哉侯與學博不言功吾儕誌之不敢忘爰晰註記

蓬溪縣志

卷七

學校

三

明月書院 縣西三十里明月場道光十七年建

飲和書院 縣西八十里白土壩嘉慶二十四年知

縣呂肇堂建舊名鳳山書院道光四年署知縣孔昭

焜改今名

蓬山書院 縣西一百五十里蓬萊鎮嘉慶二十年

知縣呂肇堂建

玉山書院 縣東南一百六十里玉溪口嘉慶二十

五年知縣呂肇堂建

潛德書院 縣東南一百六十里金堆寺道光三年



知縣呂肇堂建

集義書院 縣東南二百一十里太和場道光元年

知縣呂肇堂建

里仁書院 縣西北雲臺觀道光十二年建

義學 附

縣城內外二處小潼場任隆場黃泥場蓬南場古溪河高坪鎮李星溪玉溪口太和場太平場槐花舖鑼鍋場明月場大石橋康家渡蓬萊鎮河邊場十七處

蓬溪縣志

卷七

學校

三

計共義學十九處嘉慶二十二年知縣呂肇堂道光七年知縣宋灝陸續添設

附 奚大壯環溪書院並義學記 余自乙丑通籍筮仕楚江計違井里十有七載其間治吾蓬者非一人風聲所樹必傾耳逃聽以求其實心實政之所在如約堂敬公之養民惠而鎮以靜心湖李公之衛民生而孚以誠至今繫人思也今邑侯呂公朗山先生以嘉慶十九年來守是邦余親族由蜀之楚者咸嘖嘖稱公德政不輟竊喜枌陰梓里何幸而得神明之宰也迨引疾歸來侍養萬春始因緣識公於成都才非百里氣備四時深慰心香南豐之意亟欲言旋故邑隨父老子弟親承雅化以奉諱讀禮弗果其行今夏齋長寓余書曰呂邑尊自下車來勸課農桑安良除暴美不勝紀尤於學校人才加意培植諒所耳悉將縷撮要略勒諸瑱珉曷操筆記之余維德誦去思功令所閑學道愛人賢有司之職也公本文章為經



濟必不以輿論相重輕抑更不重以鄙言顧做舉廢  
興非旦夕計則始未宜詳而無取諛溢之詞會邑人  
士偕赴秋闈得相諮詢纏纏而言曰蓬邑非昔時氣  
象也環溪書院昔者宛平李侯翔於戎馬倥偬之際  
公與羅學師偕紳耆士庶相度形勢移近巖序增其  
舍宇規模視前廓如也昔無所謂小學者今設十餘  
所矣如上鄉之鑼鍋槐花明月大石小潼河西之蓬  
萊河邊下鄉之任隆黃泥高坪米心玉溪太和太平  
古溪蓬南各場鎮列市耀耀向無司紀黠侶緇流私  
擁操概之利公爲哀益其間挹彼注茲每處歲儲錢  
十二千用資寒士館穀而無力童蒙皆得從師受學  
焉西南兩鄉距城較遠分置蓬山玉山書院二處又  
建立文昌專祠卽其前列考棚又葺完塢頂峽岫  
呼礫有健筆凌雲之勢更修東關毛公灘石橋凡此  
數大端經費恐多矣公權衡在心首捐廉俸兼籌贖  
錢閭邑士庶感公德意相率踴躍輸將是以事無不  
濟而利被者廣余曰然今之所有誠昔之所無也昔  
之所難今之所易也親民之官動關休戚轉移之柄

蓬溪縣志

卷七

學校

三

風草斯應因循不足圖功操切亦難爲理因所利而  
導之人心風俗翕然一變此豈以無本之治治之哉  
賢者固如是其不可測與公循績彰著五馬雙旌直  
指顧耳愛公之深者恆竊竊焉欲私厚於一邑而愛  
公之深者又不忍以私一邑故思淹大賢之駕此必  
至互營之情也允當綜紀其實以示來茲俾知公數  
年之所經營學畫者用心良苦而無敢或廢昔文翁  
興學風教大行比於齊魯公勸學重農勸墾若此才  
非子淵將何以誦之惟期自茲後凡我鄉人革薄從  
忠明易使之分如堯舜之民比戶可封乎凡我士林  
砥行礪節崇實黜華勉爲

國家有用之人乎思樂泮水束躬圭璧求所以楷模閭  
閻而裁成後進以廣公之德惠於無窮乎庶士習民  
風蒸蒸日上使人之視斯邑也謂猶有禮教信義之  
遺則幸甚時道光二年



勵官箴不懈乎仕優之學未用圖無愧於名教既用  
圖無玷於名節使令聞令望如卷阿之所奏無惡無  
斃而永終譽如振鷺之所美庶乎名完不負歐陽公  
今日之舉矣反是則斯名也徒爲訾議之資耳亦何  
取於刻石耶予叨登仕路亦得竊名於石者予獨曰  
此歐陽公遺我以懼也諸君子布列內外及待用將  
來者皆得嗣入之果以得名之難爲榮乎亦以完名  
之難爲懼乎并勒之石時嘉靖丙戌

重建學宮記

明王

庭

蓬溪縣志

卷七

學校

世

嘉靖乙丑白蓮羣盜突起蜀之東方旬日之間從者  
近萬遂襲蓬溪遠邇騷動是時縣令似鶴張公初至  
以兵殲之不遺一人於時諸州之盜相率逃潰後先  
就縛四境宴然厥功偉矣公乃掄材鳩役以新學宮  
自殿廡堂齋門閣靡不煥然改觀原其用意豈止爲  
右文崇賢以爲飾治之資哉蓋深懲亂源使修明孔  
子之道正人心息邪說贊襄泰運以嘉惠一方其忠  
愛至矣學博阮公桂成公章與其弟子茂才楊生華  
任生範等請記於余余按周昭王之庚戌佛生西



而穆王之丙申西見王母賓於昭宮是楊墨同時  
端自此中原無寧歲其後穀洛至於交鬪一歲日再  
食陰盛陽微極人間未有之變而孔子生焉蓋天意  
也夫寒不極則不春亂不極則不治楊墨之道不息  
則亂臣賊子接踵於天下生民何以自存是時天生  
孔子使撥亂反正以垂教於無窮殆易所謂復其見  
天地之心乎而歷代之君投戈息馬未遑他務莫不  
首建學宮以開導人之良心蓋求治於天理民彝其  
道千萬世莫之能易矣夫邪正不兩立治亂不同塗

邪說殄則正道自明正道果明則邪說自殄故孟子  
先於距楊墨而後之賢主則先於尊崇孔子以爲天  
下師要之次第不同其所以迪正闢邪以導人之良  
心則一也始也盜以邪說誣惑其黨是謂率獸食人  
其後陷溺之人轉相誣惑是謂人將相食甚則從逆  
之流稱兵犯順爲壘城堞之間是謂亂臣賊子肆行  
無忌推原其故要皆孔子之道不明人之良心汨沒  
故耳然則似鶴公之首新學宮於兵戈初戢之際  
止爲右文崇賢以爲飾治之資哉雖然孔子教人



先於忠孝昔齊人伐魯冉有樊遲輩率衆三刻踰溝  
以入齊軍齊人宵遁魯卒無恙孔子曰能執干戈以  
衛社稷義也近者盜逼城陰似鶴公背城與戰而諸  
士皆披堅執銳從之無一後者遂使羣盜駢首就戮  
城卒無恙其於孔門諸弟何讓焉今似鶴公以孔門  
之賢望諸生而諸生日遊息於夫子之宮牆皆可以  
無愧矣工始於嘉靖四十五年正月初九日竣於八  
月十五日學舊多科名今其興也復乘勝運鼓鑄漸  
沐當與鄒魯同異日揚芳蜚聲著鼎彝之烈於聖明

蓬溪縣志

卷七

學校

卅五

之世者其在是乎似鶴公名希范楚之江夏人佐理  
其務者主簿臧君仁典史張君守職得備書

學田記

明 楊文舉

蓬果相鄰僅百里許惟是邑大夫治行異等者不惟  
蓬民德之卽果人亦藉蔭焉余頃以便歸省取道蓬  
邑見其封域井井民多頌聲私計邑大夫必異等者  
已而博士李君格李君尚鑑帥其弟子員芴嚙等百  
六十人以梓里謏辱臨館舍中余詢其大夫所爲治  
狀乃博士各肅揖陳詞曰幸哉問走卑卑一請言大



夫學政夫蓬不充國西南曩稱富教之區其人材在  
往昔爲盛自乙丑兵燹後絃誦之聲幾輟響矣邑大  
夫王公甫下車慨然以興學右文爲己任定章程勤  
考課日兢兢焉求所以不愧爲師帥者爲諸士先擇  
諸士之貧乏者時賑恤之且謂賑之不可爲常也出  
俸金置腴田爲長久計諸士不能舉火者從茲永有  
所恃是其政在學校者如此若其五年惠政則當路  
者載在賢書比屋者銘之輿誦固非走所能縷指也  
今主上方優異寓內守令以惠養元元明公居瑣闥

主吏事若我邑大夫者不可應優異之選乎余惟太  
史公記兩漢循良獨詳教化而文翁治蜀尤爲炳著  
今攷其事惟延經師開石室儲養士供具而已乃吾  
蜀以比齊魯以王公所爲古今人豈相遠哉田一區  
坐落官行壩計四十六畝一分價百金有奇時耕斂  
而均積散者則議有成規以屬博士掌行之後之嗣  
公者倘人人如公蓬之士必有蒸蒸振起爲赤城增  
重者矣公名良謨楚蒲圻人以鄉進士宰蓬邑者凡  
五年格簡池人教諭鑑羅江人訓導時萬曆乙酉



考棚附

縣城內，文昌宮，嘉慶二十三年知縣呂肇堂建東西號舍十間，道光三年又增修東西號舍四間，并建立頭門，十七年知縣張其仁於二門外建外廳一間，為點名處，左右翼以廊，應試者風雨無苦。

附 呂肇堂續修考棚記前既成，文昌宮因基址寬餘，修號舍十間，可坐八百人，平昔應童子試者，不過六百，人今增至一倍，是教子弟者咸知盡父兄之責，而子弟俊秀者蒸蒸日上，心竊喜焉。癸未歲為添建四間，共可坐千二百人，兼為關防計，添建頭門一座，余為之先導，而邑中踴躍捐輸，藉如規制，督其役者，仍前陳昌稷、張惠治、胡之翠、楊明綱也。時道光四年甲申二月。



蓬溪縣志卷七

祀典

聖人先成民而後致力於神，胥饗豐融，懿懿芬芬，皆所以為民也。我

聖朝懷柔百神，大化翔洽，亦既至誠感格，川嶽效靈矣。而於祀事之修，尤一一制為禮儀，垂諸令典，俾俎豆馨香，相引勿替，秩秩然一道同風之盛。蓬以民社之重，祇肅從公例，得備物致虔，春秋匪懈，凡以率循歲事，甚鉅舉也。志祀典。

蓬溪縣志

卷七

祀典

至聖先師廟

春秋仲月上丁釋奠

祭品

大成殿正位

帛一 色白長二丈八尺實于篚 牛一 羊一 豕一 俎三 登一 太羹 鉶二

左右 簋二 黍稷 籩二 稻粱 邊八 形鹽菹魚鹿脯 豆八 韭菹

菁苴鹿醢芹蒲 尊一 醴 爵三 初亞 鑪一 柱香 鐙二 大燭

祝版一 疏布 簠勺具 後俱倣此

四配 每位各一東西分設



帛一 色幅同 羊一豕一俎二 釧二 左右 簠二 黍 簋二

稻邊六 形鹽菟魚鹿 豆六 菁菹鹿醢芹菹 爵三 初亞

鑪一 鐙二 中燭 尊一

十二哲 東西各一

帛一 色幅同 釧一 和羹 簠一 黍 簋一 稷 邊四 形鹽棗 豆

四 菁菹鹿醢 爵三 初亞 羊一豕一尊一 鑪一 鐙一

兩廡

二位共一案每位爵一 每案簠簋各一 邊豆各四 東

西各羊三豕三尊三 統設香案二 每案帛一爵三 鑪

蓬溪縣志 卷七

一 鐙二

樂器

麾旛一首 金鐘十六口 即古編鐘 玉磬十六口 即古編磬

大鼓一面 即古應鼓 搏拊鼓二座 即古鼗鼓 祝一座

敵一座 琴六張 瑟四張 排簫二架 即古鳳簫 笙

六攢 簫六枝 笛六枝 埙二箇 篪二管

舞器

旌節二首 羽籥三十六副 以上伶舞生三十六人樂工五十二人

欽定文廟樂譜



春夾鐘清商立宮

倍應鐘清宮變主調

簫譜 壎篪排簫同

迎神昭平

天清變哉清商仇清角孔清角子清變

與清商天清角仇清角地清角參清變

祥清變徵清角仇清角麟清商效清角

日清商月清角仇清角既清變揭清變

奠帛初獻宣平

子清變懷清商仇清角明清角德清變

蓬溪縣志

卷七

祀典

三

生清角民清商仇清角未清角有清變

俎清變豆清角仇清角干清變占清變

涓清變酒清角仇清角既清角載清變

亞獻秩平

式清變禮清商仇清角莫清角愆清變

響清角協清變仇清角鼓清商鏞清角

肅清變肅清變仇清角雍清角雍清角

禮清角陶清變仇清角樂清商

終獻敘平

先清變覺清角仇清角先清變知清角

萬清變世清角仇清角之清變師清變

韻清商答清角仇清角金清變絲清角

乾清商坤清角仇清角清清商夷清變

玉清角振清商仇清角金清變聲清角

展清商也清角仇清角大清變成清角

春清角秋清角仇清角上清變丁清角

其清商香清角仇清角始清商升清變

升清角堂清變仇清角再清商獻清變

誠清變孚清角仇清角龔清變廐清變

譽清商髦清變仇清角斯清角彥清變

相清變觀清角仇清角而清商善清變



白清變古清商在清變昔清角

皮清變弁清羽祭清商菜清變

惟清變天清羽牖清變民清變

彝清變倫清變攸清羽敘清變

徹饌懿平

先清變師清商有清角言清變

四清商海清變鬻清變宮清羽

禮清變成清羽告清變徹清變

樂清變所清羽自清商生清變

蓬溪縣志

卷七

祀典

送神德平

鳧清變繹清商峩清角峩清變

景清羽行清變行清變止清羽

聿清變昭清羽祀清商事清變

化清變我清變蒸清變民清羽

笛譜 笙同

迎神昭平

大清變哉清商孔清角子清變

與清商天清角地清羽參清變

先清羽民清變有清商作清角

於清羽論清變思清角樂清商

惟清商聖清羽時清商若清角

至清羽今清變木清商鐸清變

祭清變則清羽受清變福清變

疇清商敢清角不清商肅清商

母清商疏清角母清商瀆清角

中清變原清角有清商菽清變

四

洙清羽泗清變洋清商洋清角

流清商澤清角無清變疆清角

祀清變事清羽孔清商明清角

育清商我清角膠清商庠清變

先清變覺清羽先清變知清角

萬清變世清羽之清變師清變



祥清變徵伏微清羽麟清商紱清角

日清商月清角既清變揭清變

奠帛初獻宣平

予清變懷清商明清角德清變

生清角民清商未清羽有清變

俎清變豆清羽千清變古清變

清清變酒清羽既清商載清變

亞獻秩平

式清變禮清商莫清角愆清變

蓬溪縣志 卷七

響清羽協清變鼓清商鏞清角

肅清變肅清變雍清角雍清角

禮清羽陶清變樂清商淑清角

終獻敘平

自清變古清商在清變昔清角

皮清變弁清羽祭清商菜清變

惟清變天清羽牖清變民清變

彝清變倫清變攸清羽敘清變

徹饌懿平

韻清商答清羽金清變絲清羽

乾清商坤清角清清商夷清變

玉清羽振清商金清變聲清羽

展清商也清角大清變成清角

春清角秋清角上清變丁清角

其清商香清角始清商升清變

升清羽堂清變再清商獻清變

誠清變孚清羽壘清變甗清變

譽清商髦清變斯清羽彥清變

相清變觀清角而清商善清變

先清羽民清變有清商作清角

於清羽論清變思清角樂清商

惟清商聖清羽時清商若清角

至清羽今清變木清商金清變

祀典

五



先清變師清商有清角言清變

祭清變則清羽受清變福清變

四清商海清變翬清變宮清羽

疇清商敢清角不清商肅清變

禮清變成清羽告清變徹清變

母清商疏清角母清商瀆清變

樂清變所清羽自清商生清變

中清變原清角有清商菽清變

送神德平

鳧清變繹清商峩清角峩清變

洙清羽泗清變洋清商洋清角

景清羽行清變行清變止清羽

流清商澤清角無清變疆清角

聿清變昭清羽祀清商事清變

祀清變事清羽孔清商明清角

化清變我清變蒸清變民清羽

育清商我清角膠清商庠清變

蓬溪縣志

卷七

祀典

六

秋南呂清徵立宮 仲呂清角主調

簫譜 壎篪排簫同

迎神昭平

大清角哉清徵孔清羽子清變

先清角覺清商先清變知清羽

與清徵天清羽地清商參清變

萬清角世清商之清變師清變

祥清變徵清商麟清徵紘清羽

韻清徵答清商金清角絲清商

日清徵月清羽既清角揭清變

乾清徵坤清羽清清徵夷清角

奠帛初獻宣平

子清角懷清徵明清羽德清變

玉清商振清徵金清角聲清商



生清羽 民清徵 禾清商 有清變

展清徵 也清羽 大清變 成清羽

俎清變 豆清商 千清角 古清變

春清羽 秋清羽 上清變 丁清羽

清清角 酒清商 既清徵 載清角

其清徵 香清羽 始清徵 升清角

亞獻秩平

式清角 禮清徵 莫清羽 愆清變

升清商 堂清變 再清徵 獻清角

響清商 協清變 叢清徵 鏞清羽

誠清變 孚清商 壘清變 甗清角

肅清變 肅清變 雍清羽 雍清羽

譽清徵 髦清角 斯清商 彥清角

禮清商 陶清變 樂清徵 淑清羽

相清變 觀清羽 而清徵 善清角

終獻敘平

蓬溪縣志

卷七

祀典

七

自清角 古清徵 在清變 昔清羽

先清商 民清變 有清徵 作清羽

皮清變 弁清商 祭清徵 菜清角

於清商 論清變 思清羽 樂清徵

惟清變 天清商 牖清角 民清變

惟清徵 聖清商 時清徵 若清羽

彝清變 倫清變 攸清商 敘清角

至清商 今清變 木清徵 鐸清角

徹饌懿平

先清角 師清徵 有清羽 言清變

祭清角 則清商 受清角 福清變

四清徵 海清角 鬢清變 宮清商

疇清徵 敢清羽 不清徵 肅清角

禮清變 成清商 告清角 徹清變

母清徵 疏清羽 母清徵 瀆清角

樂清變 所清商 自清徵 生清角

中清變 原清羽 有清徵 菽清角



送神德平

鳧清角 釋清徵 我清羽 峩清變

洙清商 泗清角 洋清徵 洋清羽

景清商 行清變 行清變 止清商

流清徵 澤清羽 無清變 疆清羽

聿清變 昭清商 祀清徵 事清角

祀清角 事清商 孔清徵 明清羽

化清角 我清變 蒸清角 民清商

育清徵 我清羽 膠清徵 庠清角

笛譜 笙同

迎神昭平

大清角 哉清徵 孔清羽 子清變

先清角 覺清商 先清變 知清羽

與清徵 天清羽 地清商 參清變

萬清角 世清商 之清變 師清變

蓬溪縣志

卷七

祀典

八

祥清變 徵清商 麟清徵 紱清羽

韻清徵 答清商 金清角 絲清商

日清徵 月清羽 既清角 揭清變

乾清徵 坤清羽 清清徵 夷清角

奠帛初獻宣平

予清角 懷清徵 明清羽 德清變

玉清商 振清徵 金清角 聲清商

生清羽 民清徵 未清商 有清變

展清徵 也清羽 大清變 成清羽

俎清變 豆清商 干清角 古清變

春清羽 秋清羽 上清變 丁清羽

清清角 酒清商 既清徵 載清角

其清徵 香清羽 始清徵 升清角

亞獻秩平

式清角 禮清徵 莫清羽 愆清變

升清商 堂清變 再清徵 獻清角



響清商 化清商 協清變 竅清徵 鏞清羽

肅清變 肅清變 雍清羽 雍清羽

禮清商 化清商 陶清變 樂清徵 淑清羽

終獻敘平

自清角 化清角 古清徵 在清變 昔清羽

皮清變 化清變 弁清商 祭清徵 菜清角

惟清變 化清變 天清商 牖清角 民清變

彝清變 化清變 倫清變 攸清商 敘清角

徹饌懿平

蓬溪縣志

卷七

祀典

九

先清角 化清角 師清徵 有清羽 言清變

四清徵 化清徵 海清角 黷清變 宮清商

禮清變 化清變 成清商 告清角 徹清變

樂清變 化清變 所清商 自清徵 生清角

送神德平

鳧清角 化清角 繹清徵 裁清羽 裁清變

景清商 化清商 行清變 行清變 止清商

聿清變 化清變 昭清商 祀清徵 事清角

化清角 化清角 我清變 菜清角 民清商

誠清變 化清變 孚清商 罍清變 廬清角

譽清徵 化清徵 髦清角 斯清商 彥清角

相清變 化清變 觀清羽 而清徵 善清角

先清商 化清商 民清變 有清徵 作清羽

於清商 化清商 論清變 思清羽 樂清徵

惟清徵 化清徵 聖清商 時清徵 若清羽

至清商 化清商 今清變 木清徵 鐸清角

祭清角 化清角 則清商 受清角 福清變

疇清徵 化清徵 敢清羽 不清徵 肅清角

母清徵 化清徵 疏清羽 母清徵 瀆清角

中清變 化清變 原清羽 有清徵 菽清角

洙清商 化清商 泗清角 洋清徵 洋清羽

流清徵 化清徵 澤清羽 無清變 疆清羽

祀清角 化清角 事清商 孔清徵 明清羽

育清徵 化清徵 我清羽 膠清徵 庠清角



舞譜

初獻作寧平舞

覺 一舞

我 二舞

生 一別

民 一扯

陶 一召

鑄 二召

前 一揖

聖 對面

巍 兩舞

巍 對面

泰 一擺

山 一灌

實 一別

予 二別

景 一揖

行 一擺

禮 一舞

備 二舞

樂 一擺

和 二擺

豆 對面

籩 對面

惟 一揖

靜 朝上

既 一別

述 二別

六 一提

經 一扯

蓬溪縣志

卷七

祀典

十

爰 一擺

斟 二擺

三 三擺

正 一叩

亞獻作安平舞

至 一舞

哉 二舞

聖 一別

師 一扯

天 一召

投 二召

明 一揖

德 一對

木 兩舞

鐸 對面

萬 一擺

世 一灌

式 一別

是 二別

羣 一揖

辟 一拱

清 二舞

酒 二舞

維 一擺

醕 二擺

言 對面

觀 對面

秉 一揖

翟 朝上

太 一別

和 二別

常 一提

流 一扯



英 手一擺

材 手二擺

斯 手三擺

植 頭一叩

終獻作景平舞

猗 一舞

歟 二舞

素 腳一別

王 圈一扯

示 尖一看

子 尖二看

物 尖三看

軌 身一蹲

瞻 背一

之 背二

在 腳一別

前 圈一扯

神 對面

其 對面

寧 一揖

止 手一拱

酌 尖一看

彼 尖二看

金 一揖

罍 圈一扯

惟 一召

清 二召

且 身一蹲

旨 身一蹲

登 手一擺

獻 手二擺

既 手三擺

終 朝上

蓬溪縣志

卷七

祀典

十一

弗 手一舒

遐 手二舒

有 手三舒

喜 頭一叩

執事 俱於本學生員中派用預期示知先令演習其數量焉

通贊 立堂階左主贊行禮之總名

鳴贊 立堂階右與迪贊對主唱跪叩三禮

引贊 二人相對立於官前引導唱禮

捧帛 預實帛於篚候唱跪進案上奠神前

迎神 預執盃候唱灌地曰降神神降

讀祝 預書祝文浮粘版上讀跪官左

司尊 預實尊酒候唱舉罍以勺酌之

執爵 預滌爵候唱捧以授酒與捧帛同

盥洗 掌匱盤巾帨候官滌爵拭手

陳設 依定位預為陳設牲饌燈爐各案器

灑掃 先期灑掃殿宇堂階

司戶 殿上戟門各一人候唱以司啓閉

監宰 監看宰牲去角與蹄用以入俎

造饌 庶品如法燔炙剝烹按圖擺設盤內



香燭

預以香燭伺候  
臨祭點注鑪臺

飲福

一執酒一捧盤肉  
進於獻官仍接退

燔瘞

候皆燔柴燎鑪  
瘞毛血西北坎

徹饌

祭前司啓各牲饌  
蓋唱徹稍為移動

舞生

三十  
六名

歌童

四名俱在本地方童生  
中擇選教習歲給優免

儀注

前期二日各署設齋戒牌承祭分獻官致齋二日不飲酒不食葱韭蒜薤不弔喪問疾不聽樂理刑不判署刑殺文字不預穢惡事前二日執事官補服至犧牲所省牲前一日執事者舉祝案送致齋所承祭官

蓬溪縣志

卷七

祀典

十三

視畢送至前後殿安設一跪三叩頭退前一日執事官補服上香監視宰牲併供毛血

正祭日主祭分獻陪祀各官朝服入兩旁門序立後

通贊

簽祝版

引贊

升堂

引各官從東階上

序爵序事請祝

請祝

版

簽名

各官書名

下堂

從西階下通贊唱

啓戶

各門大開

樂舞生就位

執事者各司其事主祭官就位分獻官就位陪祭官

就位

文東武西

瘞毛血

司毛血生將毛血捧從中門出埋於西北隅坎內

啓牲饌

蓋舉迎神樂奏昭平之章樂作

引贊

詣西北隅迎神

引衆

神降復位

通贊

參神

鳴贊

跪叩首

行三跪九叩禮

興平



身衆官俱立樂止通贊行初獻禮舉初獻樂奏宜平之章

樂作詣盥洗所浴手淨巾詣酒尊所司爵者舉冪酌

酒升壇導承祭官由東階上入殿左門詣

至聖先師孔子神位前跪行一跪興奠帛捧帛生以帛拱舉立獻案上

獻爵執爵生以爵跪進承祭官接爵拱舉立獻正中跪叩首興不詣讀祝位

跪鳴贊衆官皆跪引贊讀祝文讀祝生至祝案前一跪三叩捧祝版立於

案跪讀祝讀畢捧祝版至正位前樂作引贊叩興承

官及各官行三行分獻禮引贊詣復聖顏子神位前

跪叩興行一跪奠帛捧帛跪進於案左承祭官接帛拱舉立獻案上獻爵執爵

蓬溪縣志 卷七

跪進於案左承跪叩首行一跪興不詣宗聖曾子神

位前奠帛獻爵如前詣述聖子思子神位前如前詣

亞聖孟子神位前如前儀其十二哲兩廡分獻官升壇奠帛獻爵亦照承祭官行禮畢

引贊復位承祭官從西門出西階樂止通贊行亞獻

禮舉亞獻樂奏秩平之章樂作引贊升壇由東門入

如初儀獻復位承祭官由西門出西階下樂止通贊

行終獻禮舉終獻樂奏敘平之章樂作引贊升壇獻

於右如亞復位各復位樂作通贊飲福受胙引贊諸飲

福受胙位承祭官至殿內立捧酒胙二人取正中一爵羊左一膊白正位案前拱舉正福胙位



右旁跪接福胙二人跪飲福酒承祭官受爵拱受胙

在左旁跪引贊唱承祭官受胙拱舉授接爵執事復位

由中門出正階下送獻官署叩興承祭官三復位

通贊謝神鳴贊跪興承祭分獻及陪祀各官俱徹饌

舉徹饌樂奏懿平之章樂作牲饌稍為移動樂止通贊辭神

舉送神樂奏德平之章樂作鳴贊跪叩首承祭分獻

俱行三跪九叩禮與樂止通贊送神引贊詣送神所衆官俱

衆官打躬通贊捧祝帛饌各恭詣燎前捧祝帛生至

三叩捧起祝在前帛次之饌生跪不叩捧起各送至

燎所正位帛爵俱由中門承祭官退至兩旁候祝帛

饌過仍復位立通贊唱望瘞舉望瘞樂與送樂作引贊詣望瘞

位舉柴焚祝帛祝帛焚半復位樂止通贊闔戶鳴贊禮畢

散班

祝文

維

先師德隆千聖道冠百王揭日月以常行自生民所未有

屬文教昌明之會正禮節樂和之時辟雍鐘鼓成恪

薦以馨香泮水膠庠益致嚴於籩豆茲當仲春祇率

彝章肅展微忱聿彰祀典以復聖顏子宗聖曾子述

聖子思子亞聖孟子配尚饗雍正二年頒

蓬溪縣志

卷七

祀典

十四



崇聖祠

祭品

正位五案 每案帛一 色幅篚 羊一豕一和羹二簋

二簋二邊八豆八鑪一鐙二尊一祝版一

配位四案 東帛各一羊豕各一 簋簋各一邊各四

豆各四爵每案各三醴一

兩廡兩案 東帛各一羊豕各二 簋簋各一邊各四

豆各四爵每位各一醴一

儀注

蓬溪縣志

卷七

祀典

五

或先期致祭或分官同時祭朝服三跪九叩三獻惟無樂舞無飲福受胙

祝文

維

王奕葉鍾祥光開聖緒盛德之後積久彌昌凡聲教所

覃敷率循源而溯本宜肅明禋之典用申守土之忱

茲屆仲春秋聿修祀事以先賢顏氏曾氏孔氏孟孫氏

配尚饗

名宦鄉賢忠義節孝四祠春秋附祀



祭品

各帛一羊一豕一遵四豆四尊各一爵三

儀注

教諭一人公服詣祠致祭讀祝望燎行三叩禮如儀  
名宦祝文

卓哉羣公懋修厥職澤被生民功垂社稷茲維仲春  
謹以牲醴用申常祭尙饗秋

鄉賢祝文

於維羣公孕秀茲邦懿德卓行奕世流芳茲惟仲春  
蓬溪縣志

蓬溪縣志

卷七

祀典

六

謹以牲醴用申常祭尙饗

忠義祝文

維靈稟賦貞純躬行篤實忠誠奮發貫金石而不渝

義聞宣昭表鄉閭而共式祇事懋彝倫之敘性摯莪

蒿克恭念天顯之親情殷棣萼模楷咸推夫懿德

綸恩特闡其幽光祠宇維隆歲時式祀用陳尊簋來格几

筵尙饗

節孝祝文

維靈純心皎潔令德柔嘉矢志完貞全閨中之亮節



竭誠致敬彰閭內之芳型茹冰蘖而彌堅青操自勵  
奉盤匱而匪懈篤孝傳徽

絲綸特沛乎殊恩祠宇昭垂於令典祇循歲祀式薦尊醪  
尙饗

關聖帝君廟

雍正三年

詔加尊帝號爲忠義神武關聖大帝追封三代公爵乾隆五  
年頒定祭品儀注九年頒定祭文十年

詔加尊號靈佑嘉慶十九年

逢溪縣志

卷七

祀典

十七

詔加尊號仁勇歲春秋仲月上辛致祭

祭品

帛一尊一爵三牛一羊一豕一登一劔二簠二簋二  
籩十豆十鑪十鐙二

儀注

祭日前後殿承祭官咸朝服詣廟贊引贊禮各二人  
引由廟左門入分詣前後殿各升階至殿門外就拜  
位前北面立典儀贊執事官各共迺職

以下自迎神  
至望燎皆典

贊儀唱贊引贊就位承祭官就拜位迺迎贊神司香者



奉香盤進贊引贊就上香位引承祭官由殿左門入詣香案前贊上香司香跪奉香承祭官上柱香次三上瓣香贊復位引承祭官復位贊跪叩興以下行禮皆有贊承祭官行三跪九叩禮後殿贊引引後殿承祭官詣三案上香行二跪六叩禮奠帛初獻爵司帛奉篚司爵奉爵進至神位前司帛跪奠帛三叩司爵立獻爵奠正中皆退司祝至祝案前跪三叩奉祝版跪案左承祭官跪司祝讀祝畢奉祝版詣神位前跪安於案叩如初退承祭官行三叩禮後殿執事生

奠帛獻爵司祝讀祝各如儀亞獻司爵獻爵奠於左終獻司爵獻爵奠於右後殿以次畢獻均如初贊送神承祭官行三跪九叩禮後殿承祭官行二跪六叩禮有司奉祝次帛次饌次香恭送燎所承祭官避立拜位旁東而候祝帛過復位引承祭官望燎告禮成引退後殿承祭官望燎引退如儀

祝文

雜

帝浩氣凌霄丹心貫日扶正統而彰信義威震九州完大



節以篤忠貞名高三國神明如在徧祠宇於寰區靈  
應丕昭薦馨香於歷代屢徵異蹟顯佑羣生恭值嘉  
辰遵行祀典筵陳邊豆几奠牲醪尚饗

關帝後殿

曾祖光昭公

祖裕昌公

父成忠公

祭品

三案各帛一羊一豕一釧一簠簋各二邊豆各八尊

蓬溪縣志

卷七

祀典

十九

一爵三鑪一鏡一

儀注同前殿惟二跪六叩禮異

祝文

維

公世澤貽庥靈源積慶德能昌後篤生神武之英善則  
歸親宜享尊崇之報列上公之封爵錫命優隆合三  
世以肇禮典章明備恭逢諏吉祇事薦香尚饗

文昌廟

嘉慶六年



詔列入祀典歲春秋仲月致祭春二月三日秋諏吉日祭品

儀注均如祭 武廟之禮

祝文

維

神蹟著西垣樞環北極六匡麗曜協昌運之光華累代  
垂靈爲人文之主宰扶正久彰夫感召薦馨宜致其  
尊崇茲當仲春用詔時祀尙其馨格鑒此精虔尙饗

文昌後殿

嘉慶六年太常寺奏

蓬溪縣志

卷七

祀典

二十

文昌帝君三代姓名杳無確據徽號無憑謹擬本主題  
文昌帝君先代社位致祭均如 武廟管殿之儀

祝文

祭引先河之義禮崇返本之思矧夫世德彌光延賞  
斯及祥鍾畧代烟列宿之精靈化被千秋緯人文之  
主宰是尊後殿用答前庥茲當仲春肅將時祀用申

告潔

神其格歆奇饗

社稷壇



歲春秋仲月戊日致祭

祭品

每案帛一黑簠二黍簋二稻羊一豕一鉶一和邊四棗形

鹽粟豆四韭菹鹿醢白瓷爵三尊一

儀注

前期三日齋戒前期二日簽祝版前期一日補服上

香監宰牲竝瘞毛血設獻官幕次至日黎明各官朝

服行禮前後各三跪九叩中間三獻與文廟前殿同

惟無樂舞及受福胙謝福胙二節贊唱改望瘞為望瘞執事者以祝焚於坎中將畢以土實坎

蓬溪縣志

卷七

祀典

三

祝文

維

神奠安九土粒食萬邦分五色以表封圻育三農而播

稼穡恭承守土肅展明禋時屆仲春敬修祀典庶丸

丸松柏鞏磐石於無疆芄芄黍苗佑神倉於不匱尙

饗

神祇壇

儀注與社稷壇同惟帛用白色共設三案獻禮分中

左右三位引望瘞改為望瘞執事者不以土實坎



祝文

維

神贊襄天澤福祐蒼黎佐靈化以流行生成永賴乘氣  
機而鼓盪溫肅攸宜磅礴高深長保安貞之吉憑依  
鞏固實資捍禦之功幸民俗之殷盈仰神明之庇護  
恭修歲祀正值良辰敬潔豆邊祗陳牲帛尚饗

先農壇

祭品

羊一豕一釧一邊四豆四簋二簋二帛一青色

蓬溪縣志

卷七

祀典

三

儀注

前二日齋戒前一日省牲掃壇設幕檢視耕器農具赤色

牛黑色將種箱青色至期各官朝服行禮前後三跪九叩不飲福受胙俱與社稷壇

同惟獻帛爵不升壇與關帝廟儀同祭畢遵依部行時辰更換蟒袍補

服行耕藉禮各官率農夫望

闕行三跪九叩禮

迎神樂奏永豐之章

勾芒秉令土牛是驅天下一人蒼龍駕車念彼田疇

民命所需生民有德尚式臨諸



奠帛初獻樂奏時豐之章

先農神哉耒耜教民田祖靈哉稼穡是親功德深厚  
天地同仁肅將幣帛肇舉明禋厥初生民萬彙莫辨  
神錫之麻嘉種乃誕執茲醴齊農功益見玉瓊椒醕  
肅雍舉奠

亞獻樂奏咸豐之章

上原下隰百穀盈止粒我生民秀良興起樂舞具備  
吹豳稱兕再躋以獻肴饍酒旨  
終獻樂奏大豐之章

逢溪縣志

卷七

祀典

三

糜芑秬秠維神所貽以神饗神曰予將之秉耒三推  
東作允宜五風十雨率土何私  
徹饌樂奏屢豐之章

於皇農事自古爲烈莫敢不承今茲忻悅籩豆旣豐  
簠簋云潔神視井疆執事告徹

送神樂奏報豐之章

麻麥芄芃秠稻連阡縱橫萬里皆神所瞻人歌鼓腹  
史載有年歲有常典第祿繇延  
望瘞樂奏慶豐之章



玉版蒼幣來監來歆敬之重之藏於厚深典禮由古  
子行至今樂之利之國以永寧

祝文

維

神肇興稼穡粒我蒸民頌思文之德克配彼天念率育  
之功常陳時夏茲當東作咸服先疇洪維

九五之尊歲舉

三推之典恭膺守土敢忘勞民謹奉彝章聿修祀事惟願  
五風十雨嘉祥恆沐於神庶幾九穗雙歧上瑞類

蓬溪縣志

卷七

祀典

三

書於大有尙饗

雩壇

乾隆七年定每歲孟夏舉行常雩之禮不另立雩壇  
卽於

先農壇行禮并合祀

社稷山川諸神牌位

祝文

恭膺

詔命撫育羣黎仰體



形庭保赤之誠勸農勤稼俯維蔀屋資生之本力穡服田  
令甲爰頒肅舉祈年之典惟寅將事用伸守土之忱  
黍稷惟馨尙冀昭明之受賜來牟率育庶俾豐裕於  
蓋藏尙饗

崇壇

乾隆七年定旱歲祭雩祈雨澇則崇祭城門祈晴其  
行禮俱同雩祭

祝文

恭承

蓬溪縣志

卷七

祀典

二十五

詔命臨民職司守土惟兆人之攸賴竝藉神功冀四序之  
調和羣蒙福蔭必使雨暘應候爰占物阜而民安庶  
幾寒燠攸宜共慶時和而歲稔仰靈樞之默運聿集  
嘉祥勳元化以流行俾無災害尙饗

八蜡壇

部議附祭於先農不另立壇祠

勾芒之祀

先立春一日長官朝服率僚屬於東郊祀勾芒之神  
禮畢迎春歸駐署儀門外至日各官朝服祭勾芒用



牲果酒醴四拜禮畢長官擊鼓三聲執綵鞭率各官環擊土牛者三鄉人各取其土以爲宜年

迎春祝文

維

神司令元春參贊化育祛除寒威漸回温煥雨順風調  
禾登麥熟百穀順成羣黎蒙福今於某日恭詣東郊  
先期迎神駕敢告

鞭春祝文

化工造物無私勿愆雷動風散雨潤日暄以時宣布

逢溪縣志

卷七

祀典

三

歲則有年民爲邦本食乃民天四時之序春令爲先  
敢告尊神發動春鞭

火神祠

歲以季夏吉日致祭

祭品

帛一羊一豕一果實五盤尊一爵三

儀注

主祭官補服蟒袍行二跪六叩禮迎神上香奠帛讀  
祝三獻爵送神望燎告禮成也



祝文

維

神德著離宮光昭午位廣陽亨之運象啓文明彰燮理  
之能功參化育土以生而水以濟丙丁之大用常昭  
府既修而事既和虞夏之九功惟敘麗茲萬物實賴  
化成又我生民咸資利用仰邀神貺虔答鴻庥爰遵  
祀事之儀式叶春禮之典肅陳牲幣敬布几筵尙饗  
龍神祠  
歲春秋仲月諏吉致祭

逢溪縣志

卷七

祀典

祭品

帛一羊一豕一果實五盤尊一爵三

儀注 與火神祠同

祝文

維

神德洋寰海澤潤蒼生允襄水土之平經流順軌廣濟  
泉源之用膏雨及時績奏安瀾占大川之利涉功資  
育物欣庶類之蕃昌仰藉神庥宜隆報享謹遵祀典  
式協良辰敬布几筵肅陳牲幣尙饗

